

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

MAJLIS 'SULAMAN KASIH SANJUNGAN BUDI' FAKULTI PENGURUSAN DAN PERNIAGAAN

Noorazlina Ahmad & Azlina Shamsudin
Fakulti Pengurusan dan Perniagaan, UiTM Cawangan Terengganu
Emel: azlin226@uitm.edu.my (Corresponding Author)

Sepanjang tempoh Perintah Kawalan Pergerakan (PKP) Malaysia 2020 - 2021, terdapat beberapa orang pensyarah Fakulti Pengurusan dan Perniagaan (FPP) yang telah bersara. Dalam tempoh berkenaan, pensyarah yang bersara hanya diraikan secara dalam talian atau maya sahaja. Kini, ketetapan untuk berkumpul dan menganjurkan majlis telah dibenarkan maka, bagi tahun 2022, Jawatankuasa BizClub FPP berbesar hati mengadakan Majlis Sulaman Kasih Sanjungan Budi untuk merai dan menghargai jasa pensyarah FPP yang telah bersara.

Majlis Sulaman Kasih Sanjungan Budi telah berlangsung pada 18 Julai, 2022 di Dewan Bidara, Hotel UiTM Dungun dengan bertemakan 'Arabic'. Majlis Sulaman Kasih Sanjungan Budi FPP adalah sebuah majlis yang dirancang bagi merapatkan silaturrahim dalam kalangan ahli fakulti. Semua pensyarah FPP yang telah bersara sepanjang tempoh PKP telah diundang. Turut dirai adalah mereka yang bersara pada awal tahun 2022 hingga Mei, 2022.

Majlis ini disambut meriah oleh warga FPP. Antara objektif penganjuran majlis ini adalah untuk mengekalkan ukhwah di antara pensyarah FPP yang telah bersara dan pensyarah FPP yang masih berkhidmat, memberi peluang kepada pensyarah untuk bertukar-tukar nasihat dan panduan serta berkongsi pengalaman pesara untuk dijadikan panduan dalam menambahbaik mutu perkhidmatan pensyarah di masa akan datang.

Majlis ini telah dihadiri oleh sebilangan besar pensyarah FPP serta 2 orang pensyarah pesara yang diraikan pada tahun ini iaitu Puan Nor Jana Salim dan Puan Azian Abd Ghani. Mereka yang dirai telah berkongsi pengalaman dan kata-kata nasihat semasa memberi ucapan. Majlis juga disajikan dengan tayangan montaj kenang-kenangan Puan Nor Jana dan Puan Azian sepanjang mereka berkhidmat di UiTM Cawangan Terengganu.

Suasana majlis begitu meriah di bawah kendalian Puan Fathiyah Ismail sebagai pengacara majlis. Celoteh beliau mengendalikan majlis menyebabkan warga FPP tidak kering gusi dan merasa terhibur. Permainan-permainan yang ringkas turut diadakan bagi memeriahkan majlis dan semua yang hadir dapat melibatkan diri. Sesi cabutan bertuah dan pemenang kategori pakaian mengikut tema (lelaki dan wanita) turut disediakan oleh penganjur.

Majlis telah berlangsung dengan jayanya dan semua yang hadir merasa gembira kerana dapat bertemu rakan-rakan yang telah lama tidak bersua muka. Tambahan pula, sudah sekian lama FPP tidak dapat menganjurkan majlis sedemikian. Di kesempatan ini, sukacita Bizclub merakamkan setinggi-tinggi penghargaan dan terima kasih kepada semua yang terlibat dalam menjayakan majlis ini sama ada secara langsung mahupun tidak langsung. Semoga majlis ini menjadi kesinambungan bagi ukhwah yang terjalin sesama pensyarah FPP meskipun telah tamat perkhidmatan dengan UiTM. Panjang umur kita jumpa lagi dalam majlis anjuran Bizclub yang akan datang.

FPP awesome!!!!...





BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com